

ԳԱԳԱԹԱԺՈՂՈՎ

ԻՐԱԿԼԻ ՂԱՐԻԲԱՇՎԻԼԻ. «ՄԻԱԿ
ԺԱՄԱՆԱԿԱԶԱՏՎԱԾՆ Է, ԵՐԲ ԿԱՐՈՂԱՆՈՒՄ ԵՆՔ
ԱՊԱՀՈՎԵԼ ԽԱՂԱՂՈՒԹՅՈՒՆՆ ՈՒ ԿԱՅՈՒՆՈՒԹՅՈՒՆԸ»



Փետրվարի 16-19-ին, Գերմանիայի Մյունխեն քաղաքում անցկացվող անվտանգության համաժողովի շրջանակներում, Վրաստանի վարչապետ Իրակլի Դարիբաշվիլին, Հայաստանի վարչապետ Նիկոլ Փաշինյանի եւ Ադրբեջանի նախագահ Իլհամ Ալիևի հետ, մասնակցեց՝ «Շարժե՞լ սարեր. անվտանգության կառուցում Հարավային Կովկասում» թեմայով պանելային քննարկմանը:

2008 ԹՎԱԿԱՆԻ ՊԱՏԵՐԱԶՄԻՑ ՀԵՏՈ, ՈՒՄԱՍՏԱՆԻ ԴԵՄ ՊԱՏՃԱՄԻՋՈՑՆԵՐ ԶԵՆ ԿԻՐԱՎԵԼ

Անդրադառնալով ուկրաինական պատերազմի թեմային, Իրակլի Դարիբաշվիլին նշեց, որ սա յուրաքանչյուրի համար մեծ մարտահրավեր է:

- 2008 թվականին Վրաստանը պատերազմել է Ռուսաստանի դեմ, Ռուսաստանը բռնազավթել է Վրաստանի պատմական տարածքները եւ Վրաստանի տարածքում ունի երկու ռազմական կայաններ (Շարունակությունը՝ 4-րդ էջում)

- Նախ, ցանկանում եմ խորին շնորհակալություն հայտնել թեմատիկ բանավեճի կազմակերպման համար: Սա, իրոք, պատմական դեպք է, Հարավային Կովկասի երեք երկրների ղեկավարները միասին ենք, որն արդեն իսկ ձեռքբերում է,- ընդգծեց Վրաստանի վարչապետը:

ՏԱՐԵԼԻՑ

ՍԱԼՈՍԵ ԶՈՒՐԱԲԻՇՎԻԼԻ. «ՄԻԶԱԶԱՅԻՆ
ՀԱՆՐՈՒԹՅՈՒՆԸ ԱԶԱԿԻՑ Է ՌԻԿՐԱԽՆԱԿԱՆ ԺՈՂՈՎՐԴԻՆ»

Փետրվարի 24-ին, Վրաստանի նախագահ Սալոմե Զուրաբիշվիլու նախաձեռնությամբ, Վրաստանի նախագահի նստավայրում՝ Օրբելիանիների պալատում անցկացվեց Ռուսաստանի կողմից Ուկրաինայի դեմ սանձազերծված պատերազմի տարեդարձին նվիրված միջոցառում:

Միջոցառմանը ներկա էին Վրաստանում հավատարմագրված դիվանագիտական կորպուսի ներկայացուցիչներ:

Հավաքվածներին խոսքով դիմեցին Վրաստանի նախագահ Սալոմե Զուրաբիշվիլին, խորհրդարանի նախագահ Շավլա Պապուաշվիլին, Վրաստանում Ուկրաինայի արտակարգ եւ լիազոր դեսպան Անդրեյ Կասյանովը, ԱՄՆ դեսպան Քեյլի Դեզմանը:

Ելույթ ունեցողներն ընդգծեցին Ուկրաինայի դեմ Ռուսաստանի կողմից ծավալված ռազմական գործողությունների հանցագործ բնույթը, հայտնեցին ուկրաինացիներին իրենց երկրների աջակցության պատրաստակամությունը:



ՍՈՑԻԱԼԱԿԱՆ

ՊԱՐԵՆԱՅԻՆ ԱՊՐԱՆՔՆԵՐԻ ԳՆԵՐԻ ԱՃԸ
ՎԱՐՉՆԱՊԵՏՆ ԱՆԸՆԴՈՒՆԵԼԻ Է ՀԱՄԱՐՈՒՄ

Փետրվարի 20-ին, Վրաստանի վարչապետ Իրակլի Դարիբաշվիլու նախագահությամբ, անցկացվեց երկրի կառավարության հերթական նիստը:

Նիստում վարչապետը կրկին անդրադարձավ մանրածախ գների թեմային, նշելով, որ վերջին երկու շաբաթվա հետաքննությունը պարզել է, որ ապրանքի գները՝ 70-80, որոշ դեպքերում նույնիսկ 100 տոկոսով աճել են: Վարչապետն անընդունելի համարեց գների սահմանման նման մոտեցումը, հայտարարելով, որ ինքը էկոնոմիկայի նախարարությանը հանձնարարել է շուկայում գները կարգավորելու վերաբերյալ օրինագիծ մշակել:

(Շարունակությունը՝ 2-րդ էջում)

ՀՈՎԳԱՆՆԵՍ ԹՈՒՄԱՆՅԱՆ - 154

ԹԲԻԼԻՍԻՆ ՆՇԵՅ ԱՄԵՆԱՅՆ ՀԱՅՈՋ ԲԱՆԱՍՏԵՂԾԻ ԾԵՆԴՅԱՆ ՕՐԸ



Այս տարի Մեծն Լոռեցու ծննդյան օրը՝ փետրվարի 19-ը համընկավ Հայ Առաքելական Սուրբ եկեղեցու տոնացույցի օրվան՝ Բուն Բարեկենդանին:

Տոնառատ օրը սկսվեց Թբիլիսիի Սուրբ Գեորգ առաջնորդանիստ եկեղեցում Վիրահայոց թեմի առաջնորդ Տեր Կիրակոս վարդապետ Դավթյանի հանդիսապետությամբ պատարագով: Ավարտին, շնորհավորելով ներկայից-

րին, թեմի առաջնորդը հորդորեց Մեծ Պահքը սկսել եւ անցնել հոգեպես պատրաստ, որպեսզի աղոթքով ու մաքուր հոգով արժանանանք Սուրբ Հարություն տոնին:

(Շարունակությունը՝ 5-րդ էջում)

ՏԱՐԱԾԱՇՐՋԱՆԻ ԱՆՎՏԱՆԳ ՄԻԶԱՎԱՅՐԻ
ԹԵՄԱՆ՝ ՀԱՐԱՎԱՅԻՆ ԿՈՎԿԱՍԻ ԵՐԵՔ
ԵՐԿՐՆԵՐԻ ՂԵԿԱՎԱՐՆԵՐԻ ՊԱՏՄԱԿԱՆ
ՀԱՆԴԻՊՄԱՆ ՕՐԱԿԱՐԳՈՒՄ



Մյունխենում, փետրվարի 16-19-ին անցկացվող անվտանգության համաժողովի շրջանակներում, Վրաստանի վարչապետ Իրակլի Դարիբաշվիլու, Հայաստանի վարչապետ Նիկոլ Փաշինյանի եւ Ադրբեջանի նախագահ Իլհամ Ալիևի մասնակցությամբ, անցկացվեց՝ «Շարժե՞լ սարեր. անվտանգության կառուցում Հարավային Կովկասում» թեմայով պանելային քննարկում, որի ընթացքում հարավկովկասյան երկրների ղեկավարներին տրվեց տարածաշրջանային անվտանգության հարցով իրենց տեսլականը ներկայացնելու հնարավորություն:

- Պատմության մեջ առաջին անգամ Հարավային Կովկասի երեք առաջնորդները հանդիպում են միմյանց: Սա, իրոք, պատմական հանդիպում է: Ադրբեջանի (Շարունակությունը՝ 4-րդ էջում)

պաշտպանության հարցով իրենց տեսլականը ներկայացնելու հնարավորություն:

ՎՐԱՍՏԱՆ - ՀԱՅԱՍՏԱՆ

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ՝
ԳԻՏՈՒԹՅՈՒՆՆԵՐԻ ԱԶԳԱՅԻՆ
ԱԿԱԴԵՄԻԱՆԵՐԻ ՄԻՋԵՎ

Փետրվարի 16-17-ին Թբիլիսիում անցկացվեց «Հավերժական արժեքներ եւ անընդհատ փոփոխվող աշխարհ» միջազգային գիտաժողով:

Գիտաժողովի մասնակից Հայաստանի գիտությունների ազգային ակադեմիայի նախագահ, ակադեմիկոս Աշոտ Սարգսյանը, ակադեմիայի նախագահի գիտության եւ տեխնոլոգիաների գծով տեղակալ Վարդան Սահակյանը հանդիպում ունեցան Վրաստանի գիտությունների ազգային ակադեմիայի նախագահ, ակադեմիկոս Գիորգի Կվե-

սիտաձեի եւ փոխնախագահ, ակադեմիկոս Ռոմեո Մետրեվելու հետ:

Հանդիպմանը քննարկվեցին երկու երկրների գիտությունների ազգային ակադեմիաների համագործակցության եւ համատեղ ծրագրերի իրականացման հարցերը, պայմանավորվածություն ձեռք բերվեց համագործակցության հուշագիր կնքելու շուրջ:

ԴԻՎԱՆԱԳԻՏԱԿԱՆ

ՎԱԿԻՄԻ ԿՈՆՍԱՆՏԻՆԻԿԻ ՀԱՆԴԻՊՈՒՄԸ ԱՇՈՏ ՍՄԲԱՏՅԱՆԻ ՇԵՏ

Փետրվարի 17-ին Վրաստանի արտաքին գործերի փոխնախարար Վադիմի Կոնստանտինիդին հանդիպում ունեցավ Վրաստանում Հայաստանի արտակարգ եւ լիազոր դեսպան Աշոտ Սմբատյանի հետ:

Հանդիպմանը կողմերն անդրադարձան Վրաստանի եւ Հայաստանի միջեւ համագործակցությանը, մտքեր փոխանակեցին տարածաշրջանային անվտանգությանը վերաբերող հարցերի շուրջ:



ՍՈՑԻԱԼԱԿԱՆ

ՊԱՐԵՆԱՅԻՆ ԱՊՐԱՆՔՆԵՐԻ ԳՆԵՐԻ ԱՃԸ ՎԱՐՉԱՊԵՏՆ ԱՆԸՆԴՈՒՆԵԼԻ Է ՅԱՄԱՐՈՒՄ

(Սկիզբը՝ 1-ին էջում)

- Բազմաթիվ հանդիպումներ են տեղի ունեցել ինչպես ներկողների, այնպես էլ՝ խոշոր շրջանների հետ, այսպես կոչված, մանրածախ սեփականատերերի հետ: Ստեղծված պատկերը հետեւյալն է՝ ստացվում է, որ վճարը կազմում է 70-80 տոկոս, որոշ դեպքերում՝ 100 տոկոսով բարձրացված: Սա, իհարկե, անընդունելի է: Ուստի մենք ակտիվորեն սկսեցինք աշխատել, թե ինչպես կարգավորել այս հարցը: Իմ համեմատարարությամբ էկոնոմիկայի նախարարությունը կատարաստի համապատասխան օրենքի նախագիծը, որը վերաբերելու է արդար առևտրի մասին եվրոպական դիրեկտիվներին: Մենք շարունակելու ենք աշխատել ներկողների, ինչպես նաև խոշոր ցանցերի ներկայացուցիչների հետ: Միաժամանակ, մենք օրենքի նա-

խագիծը կներկայացնենք խորհրդարան, եւ ցանկանում են հույս հայտնել, որ խորհրդարանը կաջակցի մեզ՝ այս եվրոպական դիրեկտիվներն ու կանոնակարգերը ներմուծելու հարցում: Հակառակ դեպքում, ելք պարզապես չկա: Մենք չենք ուզում ինչ-որ մեկին ստիպել զգալ, թե կառավարությունը բացահայտորեն միջամտում է բիզնեսին: Սա մեր ձեռագիրն ու գործելակերպը չէ: Տեղեկացնում են, որ ինչպես դեղերի դեպքում կարգավորեցինք եւ իջեցրինք գները, այնպես էլ՝ որոշեցինք ներդնել եվրոպական կանոնակարգեր եւ եվրոպական դիրեկտիվներ: Հուսով եմ՝ գները շատ շուտով կսկսեն նվազել,- ասաց Իրակլի Դարիբաշվիլին՝ հավելելով, որ արդար առևտուրը, որի իրականացումը պետության պարտա-



վորությունն է, ներառված է նաև Եվրոպական հրահանգներում:
- Ներմուծողները կունենան սահմանված գներ, իսկ մանրածախ առևտուրը՝ իր կանոնները: Սա այն լուծումն է, որը ի հայտ եկավ երկշաբաթյա աշխատանքի արդյունքում: Մեզ համար շատ կարևոր է գների իջեցումը: Սա ազդում է մեր բնակչության եւ ժողովրդի վրա,- եզրափակեց Վրաստանի վարչապետը:

ՎՐԱՍՏԱՆ - ԱՄՆ

ՈԱԶՄԱՎԱՐԱԿԱՆ ՀԱՄԱԳՈՐԾԱԿՑՈՒԹՅԱՆ ՎՐԱ ԽԱՐՍԽՎԱԾ ՀՈՒՍԱԼԻ ԳՈՐԾԸՆԿԵՐՈՒԹՅՈՒՆ

Փետրվարի 19-20-ին, աշխատանքային այցով, Թբիլիսիում էին գտնվում ԱՄՆ սենատորներ Ջին Շահին եւ Դիկ Դուրբին: Այցի շրջանակներում, ամերիկյան սենատորները հանդիպում ունեցան Վրաստանի նախագահ Սալոմե Ջուրաբիշվիլի, վարչապետ Իրակլի Դարիբաշվիլի, Վրաստանի խորհրդարանի ընդդիմադիր խմբակցությունների ներկայացուցիչների հետ:

Վրաստանի նախագահի եւ ամերիկյան սենատորների համդիպմանը նշվեց, որ պետք է ռազմավարական որոշում կայացվի Վրաստանին ԵՄ անդամակցության թեկնածուի կարգավիճակ տալու վերաբերյալ, եւ Վրաստանը չպետք է երկրորդ անգամ մերժում ստանա: Սալոմե Ջուրաբիշվիլին, ամերիկացի սենատորների հետ հանդիպմանը, Վրաստանի եվրաինտեգրմանը զուգահեռ, քննարկեց նաև Ուկրաինայում ընթացող պատերազմը եւ Սեւծովյան տարածաշրջանում ստեղծված անվտանգության միջավայրը:

Վրաստանի վարչապետ Իրակլի Դարիբաշվիլի եւ ԱՄՆ սենատորներ Ջին Շահինի եւ Դիկ Դուրբինի հանդիպմանը քննարկված հարցերի թվում էին Վրաստանի եւ Ամերիկայի Միացյալ Նահանգների միջեւ առկա ռազմավարական գործընկերությունը եւ,

այդ գործընկերության արդյունքում, տարբեր ոլորտներում ձեռք բերված առաջընթացը:

Հանդիպմանը նշվեց, որ եվրոպական տարածաշրջանի եւ աշխարհի համար կրիտիկական պահին սենատորների այցն առանձնահատուկ նշանակություն ունի եւ հանրությանը Ամերիկայի Միացյալ Նահանգների աջակցությունը կարևոր ազդակ է:

Հանդիպմանը քննարկվեցին նաև տարածաշրջանում եւ աշխարհում անվտանգության իրավիճակն ու մարտահրավերները:



ՎՐԱՍՏԱՆ - ԹՈՒՐԶԻԱ

ԻՐԱԿԼԻ ԴԱՐԻԲԱՇՎԻԼԻՆ՝ ՏԱՐԵՐԱՅԻՆ ԱՂԵՏԻ ԳՈՏՈՒՄ


Փետրվարի 23-ին Վրաստանի վարչապետ Իրակլի Դարիբաշվիլին պատվիրական լուծարում հետ մեկնեց Թուրքիա:

Այցի շրջանակներում՝ Իրակլի Դարիբաշվիլին հանդիպում ունեցավ Թուրքիայի նախագահ Ռեջեփ Թայյիփ Էրդողանի հետ: Հանդիպմանը Վրաստանի վարչապետն անձամբ իր ցավակցությունն է հայտնել Թուրքիայի նախագահին՝ երկրաշարժի զոհերի համար: Ընդգծվեց վրացի փրկարարների մասնակցությունը երկ-

րաշարժի հետեւանքների վերացման ու փրկարարական միջոցառումներին, ինչպես նաև Վրաստանի կողմից տրամադրվող մարդասիրական օգնությունը:

Ռեջեփ Թայյիփ Էրդողանը շնորհակալություն է հայտնել Իրակլի Դարիբաշվիլին՝ իր ղեկավար պահին անհապաղ օգնության համար:

Վրաստանի վարչապետը եղավ նաև երկրաշարժից տուժած Հաթայ նահանգի Անթաքիա քաղաք եւ հանդիպում ունեցավ այնտեղ տարբեր երկրների փրկարար ծառայությունների հետ միասին աշխատող Վրաստանի ՆԳ նախարարության փրկարարական ջոկատների անդամների հետ: Նշենք, որ Թուրքիայում երկրաշարժի զոհերի թիվը հասել է 41 020-ի, Սիրիայում զոհերի թիվը գերազանցել է 5800-ը:



ԵՎՐԱՄԻՈՒԹՅՈՒՆ ՀԱՎԱՌՈՒՄԱԿԱՆ ՊԱՏՃԱՄԻՋՈՑՆԵՐԸ ԵՐԿԱՐԱԶԳՎԵԼ ԵՆ ՄԵԿ ՏԱՐՈՎ

Եվրամիությունը հաստատել է Ռուսաստանի նկատմամբ պատժամիջոցները մինչև 2024 թ. փետրվարի 24-ը երկարաձգելու որոշումը: Նշվում է, որ որոշումն ուժի մեջ է մտել փետրվարի 21-ից: ԵՄ արտաքին քաղաքական ծառայության տեղեկատվության համաձայն՝ Ռուսաստանի նկատմամբ ԵՄ պատժամիջոցների ցուցակում ներկայումս ընդգրկված են 1386 ֆիզիկական անձ եւ 171 ընկերություն:

ՌՈՒՍԱՍՏԱՆ ԴՈՒՐՄ ԵԿԱՆ ԱՄՆ-Ի ՀԵՏ ՈԱԶՄԱՎԱՐԱԿԱՆ ՄՊԱՈԱԶԻՆՈՒԹՅԱՆ ԿՐՃԱՏՄԱՆ ՊԱՅՄԱՆԱԳՐԻՑ

Ինչպես հայտարարեց Ռուսաստանի նախագահ Վլադիմիր Պուտինը, Ռուսաստանը դադարեցնում է իր մասնակցությունը Ռուսաստան-ԱՄՆ ռազմավարական սպառնալիքներին կրճատման պայմանագրին:

- Ես այսօր ստիպված եմ հայտարարել, որ Ռուսաստանը դադարեցնում է իր մասնակցությունը Ռազմավարական հարձակողական զենքի մասին պայմանագրին: Կրկնում եմ՝ նա դուրս չի գալիս համաձայնագրից, դադարեցնում է մասնակցությունը, բայց մինչ քննարկմանը վերադառնալը, պետք է ինքներս հասկանանք, թե որն է այնպիսի երկրների նպատակը, ինչպիսին Ֆրանսիան եւ Մեծ Բրիտանիան են, եւ ինչպես ենք հաշվի առնում նրանց ռազմավարական զինանոցը, այսինքն՝ ընդհանուր հարվածային ներուժը,- ասել է Վլադիմիր Պուտինը:

ՏԱՋԻԿԱՍՏԱՆ ԳՐԱՆՑՎԵԼ Է 7,1 ՄԱԳՆԻՏՈՒԴ ՈՒԺԳՆՈՒԹՅԱՄԲ ԵՐԿՐԱՇԱՐԺ

Փետրվարի 23-ին եվրոպական-միջերկրածովյան սեյսմոլոգիական կենտրոնի (EMSC) տվյալներով՝ 7,1 մագնիտուդ ուժգնությամբ երկրաշարժ է տեղի ունեցել Տաջիկստանի արեւելքում:

Երկրաշարժը գրանցվել է տեղական ժամանակով 5:37-ին: Ստորգետնյա ցնցումների էպիկենտրոնը գտնվել է Սարեզ լճից 40 կմ դեպի արեւելք: Էպիկենտրոնում երկրաշարժի ուժգնությունը կազմել է 6,8 մագնիտուդ, խորությունը՝ 20 կմ:

Տաջիկստանի սահմանային անցակետում առայժմ չեն հայտնել այդ տարածաշրջանի տարածքում հնարավոր զոհերի կամ ավերածությունների մասին:

ՊԱՏԵՐԱԶՄ

ԼՐԱՅԱՎ ՌԻԿՐԱԻՆԱՅՈՒՄ ՌՈՒՍԱՍՏԱՆԻ ԿՈՂՄԻՉ ՍԱՆՁԱԶԵՐԾՎԱԾ ԱԳՐԵՄԻԱՅԻ ՄԵԿ ՏԱՐԻՆ

ՎԱՆԴԻՄԻՐ ԶԵԼԵՆՍԿԻ. «ՄԵՆՔ ԴԻՄԱՑԱՆՔ, ԶՊԱՐՏՎԵՑԻՆՔ ԵՎ ՄԱՆ ԻՆՉ ԱՆՈՒՄ ԵՆՔ, ՈՐ ԱՅՍ ՏԱՐԻ ՀԱՂԵՆՔ»



դարձավ, իսկ մեկ տարի առաջ վերածվեց ագրեսոր-դահիճի, դիակապուտի եւ ահաբեկչի:

- Կասկած չունենեմ, որ նրանց դրա համար պատասխանատվության կենթարկեն, կասկած չունենեմ, որ մեզ հաղթանակ է սպասվում,- հայտարարեց Վլադիմիր Զելենսկին:

Նա 2022 թվականի փետրվարի 24-ը նկարագրեց՝ որպես «մեր կյանքի ամենաերկար օրը» եւ «մեր նորագույն պատմության ամենաբարդ օրը» այն ժամանակ վաղ արթ-

նացանք եւ մինչեւ հիմա չենք քնում»:

Վլադիմիր Զելենսկու խոսքով, Ուկրաինան բոլորին զարգացրեց, սթափեցրեց ու միավորեց:

Նա շնորհակալություն հայտնեց դաշնակիցներին եւ միջազգային գործընկերներին, նշեց, որ Պուտինի դեմ կռուվելու համար մենք մեծացել, որ հատուկ ուղերձ է հարկավոր, եւ ինքը մոտ ժամանակներում դրանով հանդես կգա:

«ՄԵՆՔ ԿՐՈՂԱՆՔ, ՈՐ ՌԻԿՐԱԻՆԱՆ ՀԱՂԹԻ»

Ուկրաինայի դեմ Ռուսաստանի սանձազերծած պատերազմի մեկ տարվա տարեդարձին ՄԱԿ-ի Գլխավոր ասամբլեան ընդունեց բանաձեւ, Ռուսաստանից պահանջում է անհապաղ, ամբողջությամբ եւ անվերապա հորեն դուրս բերել իր զինված ուժերը Ուկրաինայից: Բանաձեւը պաշտպանել են 141 երկրներ, այդ թվում՝ Վրաստանը: Բանաձեւին դեմ են արտահայտվել Ռուսաստանը, Բելառուսը, Սիրիան, Հյուսիսային Կորեան, Էրիթրեան, Նիկարագուան եւ Մալին: 32 երկիր ձեռնպահ է մնացել:

Ուկրաինայում Ռուսաստանի կողմից պատերազմի մեկնարկի տարելիցի կապակցությամբ՝ Եվրոպական խորհրդի անդամները հանդես են եկել համատեղ հայտարարությամբ:

«Մենք այնպես կանենք, որ Ուկրաինան հաղթի, որպեսզի հարգվի միջազգային իրավունքը, վերականգն-

վի խաղաղությունը եւ վերականգնվի Ուկրաինայի տարածքային ամբողջականությունը միջազգայնորեն ճանաչված սահմաններում: Մենք ապահովելու ենք, որ Ուկրաինան վերականգնվի ու արդարադատություն իրականացվի: Մինչ այդ, մենք չենք հանգստանա», - ասված է համատեղ հայտարարության մեջ:

ՌՈՒՄ ՕԿՈՒՊԱՆՏՆԵՐԸ ԼՈՒՐՁ ԿՈՐՈՒՄՏՆԵՐ ՈՒՆԵՆ

Ինչպես տեղեկացրել է Ուկրաինայի զինված ուժերի գլխավոր շտաբը, մեկ տարվա մարտական գործողությունների արդյունքում, Ուկրաինայում ռուս օկուպանտները կորցրել են 142860 զինծառայող:

2022 թվականի փետրվարի 24-ից մինչեւ 2023 թվականի փետրվարի 19-ը ընկած ժամանակահատվածում, ուկրաինական զինուժերի կողմից ոչնչացվել է ռուսական 3310 տանկ, 6545 զրահամեքենա, 2327 հրետանային համակարգ, 469 հրթիռային համակարգ, 243 զենիթային համակարգ, 298 մարտական ինքնաթիռ, 287 ուղղաթիռ, 2016 անօդաչու թռչող սարք, 873 թեւավոր հրթիռ, 18 մարտանավ, 5196 այլ տեխնիկա: Ոչնչացվել է 724 միավոր հատուկ սարքավորում:

Ըստ լրատվական գործակալությունների

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՇՆՈՐՀԱՎՈՐԱՆՔ

«ՇՆՈՐՀԱՎՈՐՈՒՄ ԵՆ ԻՐ ԵՐԿՐԻՆ ԱՆՍԱՀՄԱՆՈՐԵՆ ՍԻՐԱՀԱՐՎԱԾ ՄԱՐԴՈՒՆ՝ ԲԻԶԻՆԱ ԻՎԱՆԻՇՎԻԼՈՒՆ, ՇՆԴՅԱՆ ՕՐՎԱ ԱՌԻԹՈՎ»



«Վրացական երազանք» կուսակցության գործադիր քարտուղար Մամուկա Մոխնարաձեն՝ Բիժինա Իվանիշվիլուն շնորհավորել է ծննդյան օրվա կապակցությամբ:

Մոխնարաձեի խոսքով, Բիժինա Իվանիշվիլին անցաւստեղծ մասշտաբի բարեգործ ու հովանավոր է, ով աչքի է ընկնում բացառիկ բանականությամբ եւ հայրենիքի նկատմամբ անձնվիրությամբ:

«Ծննդյան օրվա առիթով շնորհավորում եմ իր երկրին անսահմանորեն սիրահարված մարդուն՝ Բիժինա Իվանիշվիլուն:

Վիլուն: Աննախաղեպ մասշտաբի բարեգործ ու հովանավոր, շատ ուժեղ վրացի տղամարդ, ով աչքի է ընկնում բացառիկ բանականությամբ, հեռատեսությամբ եւ հայրենիքի նկատմամբ անձնագոհությամբ»,- ասված է Մամուկա Մոխնարաձեի սոցիալական կայք-էջում:

«Վրացական երազանք» կուսակցության կողմից տարածած տեղեկատվության համաձայն, վրաց գործարար եւ բարեգործ Բիժինա Իվանիշվիլին դարձավ 67 տարեկան:

ՕՐԵՆՄԱՐԱԿԱՆ ՆԱԽԱՁԵՆՈՒԹՅՈՒՆ

ՆԵՐԿԱՅԱՑՎԵՑ ՕՐԻՆԱԳԻԾ ՕՏԱՐԵՐԿՐՅԱ ԳՈՐԾԱԿԱԼՆԵՐԻ ՄԱՍԻՆ

«Ժողովրդի ուժ» շարժումը խորհրդարան է ներկայացրել «Օտարերկրյա գործակալների մասին» օրինագիծը, որը նախատեսում է համապատասխան ռեեստրի ձևավորում, որտեղ կընդգրկվեն իրավաբանական բոլոր անձինք եւ լրատվամիջոցները, որոնք ավելի քան 20 տոկոսով ֆինանսավորվում են արտասահմանից: «Ժողովրդի ուժ» շարժման նախաձեռնությունը քննադատվեց ընդդիմության կողմից, թեպետ «Վրացական երազանքը» վերոնշյալ օրինագծի նկատմամբ կառուցողական դիրքորոշում գրավեց:

Ինչպես հայտարարեցին «Ժողովրդի ուժ» շարժումից, վերոնշյալ օրինագիծը առնչվում է օտարերկրյա ֆինանսավորմամբ ոչ կառավարական կազմակերպությունների ու լրատվամիջոցների գործունեությանը: Շատերն այդ օրինագիծը համեմատում են Ռուսաստանում ընդունված «Օտարերկրյա գործակալների մասին» օրենքի հետ: Նշենք, որ Վրաստանի խորհրդարանի պատգամավորները արձագանքելով օրինագծի թեմային, նշում են, որ այն կվերանշակեն ամերիկյան

օրենսդրության հիման վրա, ինչպես նաեւ այդ օրինագիծում կարտահայտվի ժողովրդավարական մյուս երկրների առաջադիմական փորձը:

«Ժողովրդի ուժի» նախաձեռնությանը նվիրված մամուլի ասուլիսում, խորհրդարանի պատգամավոր Գուրամ Մաճարաշվիլին հայտարարեց, որ նոր օրենքը նախատեսում է օտարերկրյա ազդեցության գործակալության ռեեստրի ստեղծում, որտեղ պարտադիր կարգով գրանցվելու են



բոլոր ոչ կառավարական կազմակերպությունները եւ մյուս սուբյեկտները, ովքեր ֆինանսավորվում են օտարերկրյա աղբյուրներից եւ փորձում են քաղաքական ազդեցություն գործել քաղաքական որոշումների ընդունման կամ հասարակական կարծիքի ձևավորման վրա:

ՆԱԽԱՐԱՐԻ ՀԱՇՎԵՏՎՈՒԹՅՈՒՆԸ ԽՈՐՀՐԴԱՐԱՆՈՒՄ

ՎԱՍԽԱՆԳ ԳՈՄԵԼԱՌԻ. «2022 ԹՎԱԿԱՆԻՆ ՀԱՆՑԱԳՈՐԾՈՒԹՅՈՒՆՆԵՐԻ ԲԱՑԱՀԱՅՏՈՒՄԸ ԱՆՆԱԽԱԴԵՊ ԲԱՐՁՐ՝ 62 ՏՈԿՈՍ»



Ինչպես հայտարարեց նախարարը, ոստիկանության արդյունավետ աշխատանքի շնորհիվ, 2022 թվականին հանցագործությունների բացա-

Փետրվարի 21-ին, Վրաստանի ներքին գործերի նախարար Վախտանգ Գոմելաուրին, խորհրդարանի «Նախարարի ժամ» ձեռնապի շրջանակներում, հանդես եկավ հաշվետվությամբ:

հայտման ցուցանիշը աննախադեպ բարձր է եւ գերազանցել է 62 տոկոսը: Նախարարի խոսքով, այն 12 տոկոսով գերազանցում է 2021 թվականի ցուցանիշը:

ՆԳ նախարարի հավաստմամբ, 2022 թվականին նախորդ տարիների համեմատ, իրավախախտումների թիվը նվազել է:

- 2022 թվականին ոստիկանությունը շարունակեց անգիջում պայքար իրավախախտումների դեմ, ինչը նախատեսում է ինչպես նախականիչ միջոցառումների, այնպես էլ՝ տեղի ունեցած իրավախախտման նկատմամբ արագ արձագանքման միջոցառումների անցկացում եւ որը ներկայացված է վիճակագրական ցուցանիշներում,- հայտարարեց Վախտանգ Գոմելաուրին եւ հավելեց, որ, ոստիկանության արդյունավետ աշխա-

տանքի արդյունքում, նվազել է այնպիսի ծանր ու չափազանց ծանր հանցագործությունների թիվը, ինչպիսիք են սպանությունը, սպանության փորձը, առողջությանը հասցրած ծանր վնասը, ազատության ապօրինի զրկումը, ավագակությունը եւ գողությունը: «Նախարարի ժամ» շրջանակներում, Վրաստանի ներքին գործերի նախարարի ելույթից հետո, Վախտանգ Գոմելաուրին պատասխանեց պատգամավորների հարցերին:

ՏԱՐԱԾԱՇՐՋԱՆ

ԱԽԱԼՔԱԼԱՔԻ. ՆԵՐԿԱՅԱՑՎԵՑ «ՏԱՐԱԾՔԱՅԻՆ ՊԱՅԵՍՏԱԶՈՐ» ԾՐԱԳԻՐԸ

Փետրվարի 20-ին Ախալքալաքի մունիցիպալիտետի քաղաքապետարանում ներկայացվեց Վրաստանի պաշտպանության նախարարության «Տարածքային պահեստագործ» ծրագիրը:

Ըստ Վրաստանի ՊՆ-ի «Տարածքային պահեստագործ» նախագծի նորացված տարբերակի, թարմացված ծրագրի արդյունքում, ռեզերվում ընդգրկված պահեստագործայինների տարեկան աշխատավարձը կավելանա (2500 լարիի փոխարեն, կկազմի ավելի քան 4200 լարի): Նրանք կօգտվեն նաեւ առողջապահական ապահովագրության ամբողջական փաթեթից, ինչպես գործող զինվորականները:

Տեղեկատվական հանդիպմանը ներկա էին Ախալքալաքի փոխքաղաքապետեր Մկրտիչ Մղեբայանը, Թեյմուրազ Մճեղ-



լիձեն, սակրեբուլոյի նախագահ Նաիրի Իրիցյանը, տեղական ինքնակառավարման մարմինների այլ ներկայացուցիչներ:

Հիշեցնենք՝ ծրագրին կարող են մասնակցել Վրաստանի քաղաքացիություն ունեցող 18-ից 51 տարեկան անձինք, այդ թվում՝ 18-ից 22 տարեկան ուսանողներ:

Էջը պատրաստեց ՅՈՒՐԻ ԽՈՐԵՆՅԱՆԸ

ՆԻՆՈՇՄԻՆՎԱ. ՍՏԵՂԾՎԵՑ ՍՈՒՆԻՅԻՊԱԼ ԾԱՌԱՅՈՒԹՅՈՒՆՆԵՐԻ ԲԱՐԵԼԱՎՄԱՆ ԲԱԶՄԱԳՈՐԾԱՌՈՒՅԹԱՅԻՆ ԱՇԽԱՏԱՆՔԱՅԻՆ ԽՈՒՄԲ

Փետրվարի 22-ին Նինոծմինդայի մունիցիպալիտետի քաղաքապետարանում անցկացվեց հանդիպում՝ Եվրամիության կողմից ֆինանսավորվող եւ Կովկասի բնապահպանական ոչ կառավարական կազմակերպության (CENN) կողմից իրականացվող «Քաղաքացիական հասարակության հզորացում» համուն ներառական եւ կանաչ հետկոմիդային վերականգնման» նախագծի շրջանակներում:

Հանդիպման նպատակն էր տեղական առկա սոցիալական քաղաքականությանը բնապահպանման, մունիցիպալ ծրագրերի վերլուծումը, տարբեր խոցելի խմբերի կարիքների բնապահպանումը եւ այն հարցերի լուծումը, որի վրա կենտրոնացված աշխատում է խումբը: Հանդիպմանը, որին մասնակցեցին Նինոծմինդա-



յի մունիցիպալիտետի քաղաքապետ՝ Անի Մոսոյանը, սակրեբուլոյի պատգամավորներն ու քաղաքապետարանի աշխատակիցները, Նինոծմինդայի մունիցիպալիտետում ստեղծվեց մունիցիպալ ծառայությունների բարելավման բազմազործառությանի աշխատանքային խումբ:



ՀԱՐԳԱՆՔԻ ՏՈՒՐՔ՝ ՀԱՅՐԵՆԻՔԻ ՀԱՄԱՐ ԶՈՐԿԱԾ ՅՈՒՆԿԵՐՆԵՐԻ ՀԻՇԱՏԱԿԻՆ

Փետրվարի 25-ին Վրաստանը նշում է հայրենիքի համար զոհված յունկերների հիշատակի օրը:



Օրվա կապակցությամբ՝ կառավարության ֆեյսբուքյան էջում հրապարակվեց վարչապետ Իրակլի Դարիբաշվիլու ուղերձը, որտեղ ասված է.

«Այսօր մենք հարգում ենք Վրաստանի ազատությանը նվիրաբերած հերոսների ու յունկերների վաղ հիշատակը եւ Վրաստանի անկախության համար նրանց սկսած պայքարը չի ավարտվել»:

Հիշեցնենք, որ խորհրդային Կարմիր բանակի դեմ մարտնչած ռազմական դպրոցի ավելի քան 500 սաներ (յունկերները), որոնք մարտնչում էին Թբիլիսիի մերձակայքում՝ Կոջորիում եւ Տաբախմեթայում, պատրաստվում էին դառնալ Վրաստանի նոր ձեւավորվող բանակի զինվորներ, սակայն 1921 թվականի փետրվարի 25-ին Կարմիր բանակը գրավեց Թբիլիսին, եւ երկիրը խորհրդայնացվեց:

COVID 19. ԵՐԵՔ ԱՄՍՈՒՄ՝ 13 394 ՎԱՐԱԿՄԱՆ ԴԵՊՔ

Վրաստանի Հիվանդությունների վերահսկման ազգային կենտրոնի (NCDC) տվյալներով՝ վերջին 3 ամսում իրականացվել է կորոնավիրուսի 565 հազար 170 թեստավորում: Նշված ժամանակահատվածում հաստատվել է կորոնավիրուսի 13 հազար 394 նոր դեպք:

Համավարակի ընթացքում NCDC-ն 3 մլն 696 հազար 907,8 լարի է ծախսել COVID 19-ի դեմ պատվաստանյութերի ձեռքբերման համար:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (24 ՎԵՏՐՎԱՐԻ)

Ազգային բանկի կողմից սահմանվել է տարադրամի հետեյալ կուրսը:

Տարադրամ	Լարի
1 ԱՄՆ ԴՈԼԱՐ	2.6351
1 ԵՎՐՈ	2.7929
100 ՌՈՒԲԼԻ	3.5057
1000 ԴՐԱՄ	6.7394

ԳԱԳԱԹԱԺՈՐՈՎ

ԻՐԱԿԼԻ ՂԱՐԻԲԱՇՎԻԼԻ. «ՄԻԱԿ ԺԱՄԱՆԱԿԱԶԱՏՎԱԾՆ Է, ԵՐԲ ԿԱՐՈՂԱՆՈՒՄ ԵՆՔ ԱՊԱՀՈՎԵԼ ԽԱՐԱՂՈՒԹՅՈՒՆՆ ՈՒ ԿԱՅՈՒՆՈՒԹՅՈՒՆԸ»

(Սկիզբը՝ 1-ին էջում)

մակայան: Վրաստանի 20 տոկոսը բռնազավթված է Ռուսաստանի կողմից: 1990-ական թվականների սկզբներին եւս ռազմական գործողություններ էին տարվում, երբ Ռուսաստանի աջակցությամբ Աբխազիայի տարածքում մարտեր սկսվեցին: Դրանից հետո ունեցանք բազում հիմնախնդիրներ, բազում մարտահրավերներ: 2008 թվականի պատերազմից հետո, մենք չենք տեսել, որ Ռուսաստանի դեմ պատժամիջոցներ կիրառվեն, ընդհակառակը, Ռուսաստանի հետ բիզնեսը շարունակվեց սովորականի նման, ինչը շատ վատ ազդեցություն էր. այս մասին հայտարարեց Վրաստանի վարչապետ Իրակլի Դարիբաշվիլին:

- 2012 թվականին, երբ եկանք իշխանության գլուխ, մեծ ջանքեր գործադրեցինք ապալիցքաթափման տեսանկյունից, ակտիվորեն համագործակցություն սկսվեց եվրոպական ինտեգրման ուղղությամբ:

Վրաստանը ստորագրել է ասոցիացման համաձայնագիր, խոր ու լայնածավալ առևտրական տարածքի վերաբերյալ պայմանագիր, ստացել անայցեգրային պայմանակարգ, իսկ անցյալ տարի Եվրոպայի խորհուրդն ընդունեց պատմական որոշում՝ ըստ որի Վրաստանին շնորհեց եվրոպական հեռանկար, նշեց Իրակլի Դարիբաշվիլին՝ հավելելով, որ Վրաստանը հետեւում է հակամարտությունների կարգավորման խաղաղ քաղաքականությանը:

ԽԱՐԱՂՈՒԹՅՈՒՆՆ ԱՅԼՆՏՐԱՆՔ ԶՈՒՆԻ

Հայաստանի եւ Ադրբեյջանի ղեկավարների հետ Մյունխենի անվտանգության համաժողովի շրջանակներում անցկացված պանելային քննարկմանը՝ Վրաստանի վարչապետ Իրակլի Դարիբաշվիլին համոզմունք հայտնեց, որ խաղաղությունն այլընտրանք չունի, եւ Վրաստանն ունի տարածքային ամբողջականությունը վերականգնելու խաղաղ ծրագիր:

- Նորանկախ Վրաստանի պատմության ընթացքում, մեր իշխանության ժամանակահատվածը թերեւս միակն է, որի ընթացքում ապահովվում է բարօրություն, կայունություն եւ խաղաղություն, որն այդքան անհրաժեշտ է մարդկությանը: Պատերազմով մենք ոչնչի չենք հասնի՝ ո'չ բարօրության եւ ո'չ էլ կայունության: Խաղաղությունն այլընտրանք չունի, այստեղ նույնպես կրկնեմ, որ Վրաստանը հետեւում է հակամարտությունների կարգավորման խաղաղ քաղաքականությանը: Ցանկանում եմ շնորհակալություն հայտնել ԵԱՀԿ-ին եւ մյուս մասնակիցներին, ովքեր ակտիվ ներգրավված են միջնորդության գործընթացում: Ժնևում միջազգային քննարկումները նաեւ այն հարթակն են, որը մենք ունենք Ռուսաստանի հետ հարաբերությունների համար: Ուստի, կրկնում եմ, որ այս պատերազմը պետք է դադարեցվի: Եթե այս պատերազմը շարունակվի, նշանակում է, որ այն է'լ ավելի կործանարար ուժ կունենա: Ավելի շատ անմեղ մարդիկ կգոհվեն: Աշխարհը պետք է դադարեցնի այս ողբերգությունը. ասաց Իրակլի Դարիբաշվիլին:

ՏԱՐԱԾԱՆԵՐԶԱՆԻ ԱՆՎՏԱՆԳ ՄԻԶԱՎԱՅՐԻ ԹԵՄԱՆ` ՀԱՐԱՎԱՅԻՆ ԿՈՎԿԱՍԻ ԵՐԵՔ ԵՐԿՐՆԵՐԻ ԴԵԿԱՎԱՐՆԵՐԻ ՊԱՏՄԱԿԱՆ ՀԱՆԴԻՊՄԱՆ ՕՐԱԿԱՐԳՈՒՄ

(Սկիզբը՝ 1-ին էջում)

բեջանի եւ Հայաստանի առաջնորդների հետ քննարկել ենք մեր տարածաշրջանի անվտանգության միջավայրը եւ Հարավային Կովկասում խաղաղությունն ու կայունությունն ապահովելու համար անհրաժեշտ ջանքերը: Վրաստանը պատրաստ է իր վճռական դերը խաղալ տարածաշրջանում խաղաղության պահպանման գործում, - հայտարարեց Վրաստանի վարչապետը:

- Այսօր պատմական հանդիպում է, բայց շատ կարեւոր է նաեւ բացահայտել այն բովանդակությունն ու համատեքստը, որը ստեղծվում է այսօր, այստեղ եւ հիմա: Մենք կարող ենք ունենալ տարբեր արդյունքներ կամ փաստեր, բայց պետք է լինենք արդյունքներին կողմնորոշված: Սա է մեր մոտեցումը: Դուք լավ գիտեք, որ մեր տարածաշրջանում գլոբալ անկայուն իրավիճակը բարդացնում է իրավիճակը: Քաջատեղյակ եք նաեւ, որ միջազգային ուշադրությունը երկար ժամանակ կենտրոնացած է Ուկրաինայի վրա: Այս փաստը միանգամայն հասկանալի է: Սա մեր ռիսկերն են ստեղծում մեր տարածաշրջանի համար, եւ կարելի է միջազգային ուշադրությունը պահել նաեւ մեր տա-

րածաշրջանի վրա, կարծում եմ, պետք է կառավարել ծառացած ռիսկերը: Այս ամբողջ ընթացքում մեր ժողովրդավարական բարեփոխումների օրակարգը կենտրոնացած է վերափոխումների, ժողովրդավարական ինստիտուտների կառուցման, օրենքի գերակայության, մարդու իրավունքների, դատական համակարգի անկախության վրա եւ, ինչ խոսք, մեր տարածաշրջանում իրավիճակի բարելավմանը: Հավատում եմ, որ ողջ տարածաշրջանը կշահի, եթե յուրաքանչյուրն իր ներդրումն ունենա այս հարցում, - ասաց Նիկոլ Փաշինյանը:

- Մենք գիտենք, թե ինչ է պատերազմը, դրա համար էլ ցանկանում ենք, որ խաղաղություն հաստատվի Եվրասիական տարածաշրջանում: Ես կարծում եմ, որ Ադրբեյջանն ու Հայաստանը պետք է ցույց տան, որ իրավիճակը փոխվել է, եւ այս փոխադարձ առեւտրությունը կհաղթահարվի: Մենք արդեն ունենք խաղաղության պայմանագիր Հայաստանի եւ Ադրբեյջանի միջեւ, հուսով եմ, որ այն շուտով կվավերացվի: Ահա այսպես, պատմական լուրջ տարածանություններից հետո՝ մենք կարող ենք նստել ու հաղթահարել թշնամությունը, - ասաց Ադրբեյջանի նախագահ Իլհամ Ալիևը:

ՓԵՏՐՎԱՐԻ 21-Ը` ՄԱՅՐԵՆԻ ԼԵԶՎԻ ՄԻԶԱԶԳԱՅԻՆ ՕՐ

ԻՐԻՆԱ ԺԱՄԿՈՅՅԱՆՆ ՈՒ ԱՐՄԵՆ ԲԱՅԱՆԴՈՒՐՅԱՆԸ ՊԱՐԳԵՎԱՏՐՎԵՅԻՆ ՊԱՏՎՈԳՐԵՐՈՎ

Փետրվարի 21-ին, Թբիլիսիի սակրեբուլոյի եւ Վրաստանի պետական լեզվի դեպարտամենտի համատեղ նախաձեռնությամբ, սակրեբուլոյի Թամար Թադուհու անվան դահլիճում հանդիսավորապես նշվեց Մայրենի լեզվի միջազգային օրը:

Միջոցառմանը ելույթ ունեցան Թբիլիսիի սակրեբուլոյի նախագահ Գիորգի Տղեմալաձեն, սակրեբուլոյի կրթության եւ մշակույթի համաձեռնակողի նախագահ Կախա Լաբուչիձեն, պետական լեզվի դեպարտամենտի նախագահ Գիորգի Ալիբեգաշվիլին, Վրաստանի կրթության եւ գիտության փոխնախարար Նուրու Միցկելիչը, հաշտեցման եւ քա-

ձեն եւ Վրաստանի պետական լեզվի դեպարտամենտի նախագահ Գիորգի Ալիբեգաշվիլին:

Մայրենի լեզվի միջազգային օրվա կապակցությամբ պատվոգրեր ստացան նաեւ ժողովրդական պաշտպանին առընթեր ազգային փոքրամասնությունների խորհրդի համակարգող Կոբա Չոփլիանին, Հանրային հեռարձակողի հոգաբարձուների խորհրդի անդամ Բելա Օսիպովան, Թբիլիսիի թիվ 73 հանրային դպրոցի տնօրեն Սալման Պիրմանեղ օղլին, Թբիլիսիի ադրբեյջանական պետական դրամատիկական թատրոնի գեղարվեստական ղեկավար Թուրգայ Վալիզադեն, ուրիշներ:

Մայրենի լեզվի միջազգային օրը, լեզվական եւ մշակութային բազմերանգության պահպանման, զարգացման նպատակով, ՅՈՒՆԵՍԿՕ-ն սահմանեց 1999 թվականին:



Իրինա Ժամկոյան

դաբացիական իրավահավասարության հարցերով Վրաստանի պետնախարարի առաջին տեղակալ Լիա Գիգաուրին, Թբիլիսիի պետական համալսարանի ռեկտոր Ջաբա Սամուշիան:

Մայրենի լեզվի միջազգային օրվա շրջանակներում, կրթության եւ մշակույթի 15 գործիչներ արժանացան պատվոգրերի: Պարգևատրվածների թվում են Թբիլիսիի թիվ 104 հանրային դպրոցի տնօրեն Իրինա Ժամկոյանը եւ Թբիլիսիի Պետրոս Ադամյանի անվան պետհայրամայի թատրոնի գեղարվեստական ղեկավար Արմեն Բայանդուրյանը: Վրաց-հայկական կրթական եւ մշակութային հարաբերությունների զարգացման գործում ներդրած ավանդի համար նրանց շնորհած պատվոգրերը ստորագրել են Թբիլիսիի սակրեբուլոյի նախագահ Գիորգի Տղեմալա-



Արմեն Բայանդուրյան

Նշենք, որ եթե փետրվարի 21-ը Մայրենի լեզվի միջազգային օրն է, ապա ապրիլի 14-ին Վրաստանը նշում է Վրաց լեզվի օրը: Այդ օրը սահմանվեց 45 տարի առաջ, 1978 թվականին, Վրաստանի սահմանադրության նոր խմբագրության հետ կապված ծավալված իրադարձությունների կապակցությամբ:

Էջը պատրաստեց ԱՐԵՎԻԿԱ ՄԱՆՈՒԿՅԱՆԸ

ԿՐԹԱԿԱՆ

ՊԱՐԳԵՎՆԵՐ` «ԼԱՎԱԳՈՒՅՆ ՈՒՍՈՒՑԻՉ» ՄՐՅՈՒՅԹԻ ՀԱՂԹՈՂՆԵՐԻՆ

Վրաստանի կրթության եւ գիտության նախարար Միխեիլ Չխենկելին՝ մրցանակներ հանձնեց վրացերենի, վրացերենը՝ որպես երկրորդ լեզու առարկայի, անգլերենի ու գերմաներենի ուսուցիչներին՝ «Լավագույն ուսուցիչ» մրցույթի հաղթողներին եւ անձամբ շնորհավորեց նրանց հաջողության առիթով:



Նախարարի խոսքով՝ «Լավագույն ուսուցիչ» մրցանակն իսկապես կարելի է նախաձեռնություն է, որը տարիներ շարունակ ծառայում է ուսուցիչների դերի ու կատարած աշխատանքի գնահատմանը:

2022 թվականի մրցույթի շրջանակներում, վրացերենի «Լավագույն ուսուցիչ» կոչմանն արժանացել է Զխործոլուի մունիցիպալիտետի Լեսիճինե համայնքի առաջին հանրային դպրոցի ուսուցչուհի Դիանա Ծուրծումիան, վրացերենը՝ որպես երկրորդ լեզու առարկայի «Լավագույն ուսուցիչ» է ճանաչվել Մառնուլիի մունիցիպալիտետի Կաչագանի գյուղի հանրային դպրոցի ուսուցիչ Զվիադ Փի-

փան, անգլերենի «Լավագույն ուսուցիչ» կոչումը նվաճել է Ծալկայի մունիցիպալիտետի Բարեթի գյուղի հանրային դպրոցի ուսուցիչ Քեթեան Եմրաշվիլին, իսկ գերմաներենի «Լավագույն ուսուցիչ» կոչումը տրվել է Ծղալտուրոյի մունիցիպալիտետի Գեգուրի գյուղի առաջին հանրային դպրոցի ուսուցչուհի Նաթիա Կիլաձեին:

Նախարարը մրցույթի հաղթողներին հանձնեց Լավագույն ուսուցչի կրծքանշանը եւ համապատասխան վկայական: Ուսուցիչները գործընկեր կազմակերպություններից ստացել են նաեւ պլանշետներ ու հատուկ մրցանակներ:

ԱՌԱՋԻՆ ՂԱՍԱՐԱՆՅԻՆԵՐԻ ԸՆԴՈՒՆՄԱՆ ՏԱՐԻՔԸ ՀՆԱՐԱՎՈՐ Է ՓՈԽՎԻ

Վրաստանի խորհրդարանի կրթության եւ գիտության հանձնաժողովի նախագահ Գիորգի Ամիլախվարու խոսքով, Վրաստանում առաջին դասարանցիների դպրոցը ընդունվելու տարիքը գուցե եւ վերանայվի:

Նրա խոսքով, իրենք դեռ ԿԳՆ-ի հետ քննարկում են առաջին դասարանցիների դպրոցը ընդունվելու տարիքի փոփոխման հարցը, քանի որ դպրոցը ընդունվելու տարիքի փոփոխությունը կախված է դպրոցական ենթակառուցվածքների ավելացումից:

- Այժմ ուսումնասիրվում է, թե այս մեկ տարվա ընթացքում, ինչպես են աճել դպրոցի ենթակառուցվածքները: Ելնելով դրանից, մենք որոշում կկայաց-

տարի ժամկետի երկարաձգման վերաբերյալ. ասաց Գիորգի Ամիլախվարին եւ հավելեց, եթե որոշում կայացվի երկարաձգման վերաբերյալ, ապա օրենքում այնպիսի փոփոխություններ կարվեն, որ ոչ մի աշակերտ չուշանա գրանցումից. - Ինչպես անցած տարի, այս տարի էլ կարող ենք արագացված կարգով օրենք փոխել կամ երկարաձգել գրանցման ժամկետը: Այս փուլում ոչ մի որոշակի բան ասել չեմ կարող: Հավանաբար, մինչեւ փետրվարի

վերջ կունենանք հստակ պատկեր, - ասաց հանձնաժողովի նախագահը:

Նրա համոզմամբ, դպրոցը ընդունվելու տարիքը պետք է լինի մինչեւ դեկտեմբերի 31-ը, հետեւաբար, պետք է ներառի մինչ այդ ծնված երեխաներին:

Նշենք, որ 2022 թվականի օրենքի փոփոխությամբ եւ խորհրդարանի ընդունած որոշմամբ, 2022-2023 ուստարում դպրոցը ընդունվելու իրավունք տրվեց նաեւ այն երեխաներին, որոնց 6 տարին լրացել է մինչեւ հոկտեմբերի 1-ը: Այդ որոշմամբ՝ 2022-2023 ուստարում առաջին դասարանցիների թիվը հասել է 2 500-ի: